

Ang Pagpasaylo sa Kadtong Mga Nakasala

MANWAL SA SEMINARY ALANG SA BAG-ONG TUGON

Handurawa nga, sama sa mga Taga-Corinto, ang mga tawo sa imong ward nagkinahanglang madugangan ang ilang gugma ug pagpasaylo ngadto sa mga tawo nga nakasala. Tungod niini, ang imong bishop nagdapit kanimo sa pagpaambit og usa ka mubo nga panghunahuha kabahin sa pagpasaylo diha sa sinugdanan sa imong klase o sa korum nga miting. Paggahin og pipila ka minuto ug pagmugna og usa ka outline sa unsa ang mahimo nimong isulti. Ilakip ang mosunod:

1. Labing menos sa usa ka bersikulo o hugpong sa mga pulong gikan sa 2 Mga Taga-Corinto 2:7–11.
2. Lain pang kasulatan o pamahayag gikan sa usa ka lider sa Simbahan. (Mahimo nimong gamiton ang pamahayag ni Elder Duncan sa ubos o usa sa mga kasulatan nga iyang gihisgotan.)
3. Imong kaugalingong mga hunahuna ug pagpamatuod mahitungod sa paghatag og gugma ug pagpasaylo sa uban ug unsaon niini pagtabang kanato nga mahiduol sa Manluluwas.

Mga Pagtulun-an mahitungod sa Pagpasaylo

Si Elder Kevin R. Duncan sa Seventy miingon:



Kombinsido ako nga kadaghanan nato gusto nga mopasaylo, apan maglisod kaayo kita sa pagbuhat niini. Kon makasinati kita og inhustisya, mahimong dali kita nga moingon, “Nakasala kanang tawhana. Angayan silang silotan. Asa ang hustisya?” Nasayop kita sa paghunahuna nga *kon* kita mopasaylo, ang hustisya dili mapahigayon ug ang mga silot malikayan.

Dili gayod kini mao. Ang Dios mopahamtang og silot nga makiangayon, kay ang kaluoy dili makahikaw sa hustisya [kaangayan] (tan-awa sa Alma 42:25). Ang Dios mahigugmaong nagsiguro diha kaninyo ug kanako: “Itugyan ang paghukom ngari kanako, kay kini akò ug Ako ang mobayad. [Apan tugoti nga] ang kalinaw mag-uban kaninyo” [Doktrina ug Mga Pakigsaad 82:23]. (Kevin R. Duncan, “Ang Makaalim nga Haplas sa Pagpasaylo,” *Ensign* o *Liahona*, Mayo 2016, 33–34)

- Mateo 5:43–44
- Mga Taga-Efeso 4:32